



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1457/11
Sarajevo, 9.9.2011. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 19-09-2011

Organizaciona jedinica	Klasifikaciona oznaka	Radni broj	Broj priloga
02	50-6-16	4/4	

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 159. sjednici održanoj 7.9.2010. godine, utvrdilo je Odgovor na izaslaničko pitanje koje je postavio Mehmed Bradarić, izaslanik u Domu naroda Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite izaslaniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1457/11
Sarajevo, 7.9.2011. godine

Mehmed Bradarić, delegat u Domu naroda Parlamentarne skupštine Bosne i Hercegovine, na 4. sjednici Doma naroda održanoj 28.07.2011. godine, postavio je slijedeće delegatsko pitanje:

„Pitam Ministarstvo pravde Bosne i Hercegovine šta čini i preuzima da se iz Austrije (nazvao bih to zatočeništva) oslobodi građanin Bosne i Hercegovine Jovan Divjak, čije su zasluge za cjelovitost i nezavisnost države Bosne i Hercegovine nesporne i šta preuzima i kontaktima sa nadležnim organima Republike Srbije da prestane sa ovakvim aktivnostima, na što ih obavezuje međunarodni državni ugovor“.

Na postavljeno pitanje, Vijeće ministara Bosne i Hercegovine je na 159. sjednici održanoj 7. 9. 2011. godine, utvrdilo slijedeći

ODGOVOR

Tužilaštvo Bosne i Hercegovine je aktom broj A-162/11 (KT-RZ-168/06) od 04.03.2011. godine dostavilo Ministarstvu pravde Bosne i Hercegovine prijedlog za podnošenje molbe za izručenje, kako je navedeno „osumnjičenog“ Jovana Divjaka iz Republike Austrije u Bosnu i Hercegovinu i to zbog krivičnih djela, kako je u prijedlogu navedeno „Ratnog zločina protiv civilnog stanovništva iz člana 173. stav 1. tačka a), c), i f), ratnog zločina protiv ranjenika i bolesnika iz člana 174. stav 1. tačka a) i b), ratnog zločina protiv ratnih zarobljenika iz člana 175. stav 1. tačka a) i b), protivpravnog ubijanja i ranjavanja neprijatelja iz člana 177. stav 1. i 2., povrede Zakona i običaja rata iz člana 179. stav 1. sve u vezi sa članom 180. stav 1. i 2. Krivičnog zakona Bosne i Hercegovine“. U istom prijedlogu Tužilaštvo Bosne i Hercegovine obrazlaže situaciju u kojoj i Republika Srbija vodi krivični postupak protiv navedene osobe, te zaključuje da je „prijedlog za podnošenje molbe za izručenje osumnjičenog Jovana Divjaka u Bosnu i Hercegovinu osnovan, utemeljen na zakonodavstvu Bosne i Hercegovine, osnovnim principima međunarodnog prava, pravde i pravičnosti“.

Po prijedlogu Tužilaštva Bosne i Hercegovine, kao i u svim dosadašnjim slučajevima, ministar pravde Bosne i Hercegovine je podnio pravosudnim organima Republike Austrije molbu za izručenje Jovana Divjaka u skladu sa članom 57. Zakona o međunarodnoj pravnoj pomoći u krivičnim stvarima, pri tome cijeneći interes i državljanina Bosne i Hercegovine i države Bosne i Hercegovine.

U konkretnom slučaju postupljeno je u skladu sa odredbama Evropske konvencije o ekstradiciji, bilateralnog ugovora između Bosne i Hercegovine i Republike Austrije o ekstradiciji i odredbama Zakona o međunarodnoj pravnoj pomoći u krivičnim stvarima, kao i u svim drugim predmetima u kojim je od strane nadležnih organa postavljen prijedlog za podnošenje molbe za izručenje.

Posebno želimo da istaknemo da prilikom podnošenja molbe za ekstradiciju, Ministar pravde Bosne i Hercegovine nije ovlašten da preispituje istinitost navoda iz tužilačkog prijedloga, niti da utvrđuje činjenice koje tužilac istakne, ali je obavezan da postupa po zahtjevu tužioca, na koji način štiti nezavisnu tužilačku funkciju, pa samim tim i interes Bosne i Hercegovine.

Pošto se Jovan Divjak već nalazi u Bosni i Hercegovini odgovor na postavljeno pitanje o tome šta Ministarstvo pravde Bosne i Hercegovine čini i preduzima da se iz Republike Austrije oslobodi građanin Bosne i Hercegovine Jovan Divjak, je bespredmetan.